

SÁHKÁTROHKOSAT

GÁRVVODETTIIN

Dat, guđet bálvalit ipmilbálvalusas, sáhttet rohkadallat gárvodeami áigge ovtta jitnii dahje jaska čuovvovaš rohkosa.

Áhči ja (+) Bártni ja Bassi Vuoiŋŋa nammii.

Alba badjelii cokkadettiin:

Daga mu buhtisin, Hearrá. Buhtis mu váimmu, vai Lábbá varain buhtisin basson oččošin návddašit agálaš ilu.

Stola badjelii bijadettiin:

Du geasis, Hearrá, lea buorre, ja du noaddi lea geahpas. Veahket mu árvvolaččat dikšut fidnu, man don leat addán.

Boahkána čanadettiin:

Boahkánaste, Hearrá, mu Bassi Vuoiŋŋa viissisvuodain ja fámuin.

DAHJE

Boahkánaste, Hearrá, mu duohtavuhtii.

Kasuhka badjelii cokkadettiin:

Divtte, Hearrá, du árvvuhis bálvaleaddji illudit bassi sakrameantta oasálašvuodas ja du searvegotti bálvaleamis.

OVDAL IPMILBÁLVALUSA

Rohkosbottus ovdal ipmilbálvalusa lea vejolaš geavahit čuovvovaš rohkosiid dahje friddja rohkosa.

1.

Ráhkis gillán, jápmán ja bajásčuožžilan Beasti.
Boadán du vissui doaimmahit soabahusa virggi.
Bovde ja earut mu oddasis du bassi bálvalussii.
Váldde mu váimmus eret váibbasvuoda,

dilsivuoda ja vieris jurdagiid.
Veahket mu muitit mu bassi lohpadusaid
ja dan beaivvi, go ferten dahkat dutnje logu.
Suova, ahte buot, maid mun odne doaimmahan,
livččii mu váimmu rohkos du beallái.
Leage muinna ja deavdde mu
du bassivuodain ja ráfiin.
Mun in leat mihkkige,
muhto don duddjot min gaskkas.
Sártno, Hearrá, du bálvleaddji gullá.

2.

Hearrá, vuolggat du čuovgasa ja duohtavuoda!
Láidejehkoset dat mu,
dolvoaset dat mu du bassi várrái,
du orrunsajiide.
Mun hálidan boahit du áltár ovdii,
du ovdii, Ipmil, mu illu!
Doppe oaččun rámidit du,
Ipmil, mu Ipmilan!
Manne leat nuonddahallan, sillon,
manne leat nu mášoheapmi?
Vuordde Ipmila!
Velá mun oaččun rámidit su,
mu Ipmila, mu veahkeheaddji.

3.

Hearrá Ipmil, don guhte ásat allatvuodas ja bassivuodas,
muhto maddái cuovkanan ja vuollegis olbmuid luhtte.
Buhtis min váimmu,
gáidat mis eret bahás ja duššálaš jurdagiid,
basut min miela.
Veahket min lahkanit du bassi baluin.
Dušše don sáhtát buressivdnidit ja basuhit min bálvalusa.
Du mii giitit, Áhčči ja Bárdni ja Bassi Vuoignja,
dál ja agálaččat.

4.

Herrá, mii giitit du das,
ahte don čohkket min
du sáni (ja sakrameantta) lusa.
Don ieš gallehat ja buressivdnidat min.
Áhčči, don diedát buot visot,
min fuolaid, baluid ja jearaldagaid,
mo mii leat leabuheamit ja gealdagasas.
Luoitte min buot das, mii lea duššálaš ja boastut,
vai mii máhtášeimmet bálvalit du oppa váimmusteamet.
Basut min bálvalusa du nama gudnin.
Rámiduvvon lehkos du namma dál ja álo.

5.

Ipmil, almmálaš Áhččámet.
Girkobiellut bovdejit min oktasaš ipmilbálvalussii.
Mii giitit du evangeliuma illuságas,
man don buvttát min gaskii sánis ja sakrameanttain.
Buressivdnit du searvegotti,
mii bohtá iluidisguin ja fuolaidisguin du ovdii.
Giittus, ahte mii leat ožžon ovttas válmmaštit dán ipmilbálvalusa.
Giittus, ahte don leat bovden min du bargoguoibmin.
Mii átnut du buressivdnádusa dán ipmilbálvalussii
ja min bálvalusdoaimmaide.
Divtte min baksamiid máidnut du
sániiguin ja šuoŋaiguin ja
ráfodahte min leabuhis miela du Vuoiŋŋain.
Buhtis min du geavahussii.
Daga dán ipmilbálvalusas ávvudilálašvuoda du gudnin.
Dán mii rohkadallat min Beasti Jesusa Kristusa namas.

ANTIFONA

SÁL. 27: 4

BIIBBALSÁLBMA

SÁL. 84: 2–10

Gudni Áhččái ja Bárdnái
ja Bassi Vuigŋii,
nu go lei álggus, dál lea ja álo
agálašvuodas agálašvuhtii. Ámen.

ANTIFONA

SÁL. 27:4

(**O** Hearrá, čájjet, ahte leat oskkáldas,
S beastte min.
O Hearrá, gula mu rohkosa.
S Jorgal bealját mu čuorvuma guvlui.)
O Rohkadallot.

Buotveagalaš Ipmil,
don leat midjiide buorre ja ládislaš.
Atte midjiide árpmot,
nu ahte mii doallat dán ipmilbálvalusa
du nama gudnin.
Buressivdnit min ja čoahkkái bohtán searvegotti
Bassi Vuoigŋa attáldagaiguin.
Gula min Jesusa Kristusa,
Hearrámet bokte.

S Ámen.

IPMILBÁLVALUSA MANŊÁ

Rohkosbottus ipmilbálvalusa manŋá lea vejolaš geavahit čuovvovaš rohkosiid dahje friddja rohkosa.

1.

Sátni šattai olmmožin ja ássagodii min luhtte,
ja mii oinniimet su hearvásvuoda,
dan hearvásvuoda man áidnoriegádan Bárdni lea ožžon Áhčistis,
dievva árpmus ja duohtavuodas.

JOH. 1: 14

Ráfi Ipmil, guhte agálaš lihtu oaffarvara bokte
lea bajásčuoččáldahttán jápmimis
dan stuorra sávzageahčči, Hearrámet Jesusa,
addos didjiide buriid attáldagaid,
nu ahte sáhttibehtet ollašuhttit su dáhtu.
Dahkos son ieš mis dan mii lea
su miela mielde,
son ja Jesus Kristus.
Su lea gudni
álo ja agálaččat. Ámen.

HEBR. 13: 20–21

2.

Ráhkis almmálaš Áhčči.
Mii giitit iluin ipmilbálvalusas,
mii aiddo lea nohkan,
man doaimmaheapmái oaččuimet
du gohččuma mielde
bálvaleaddjin oassálastit.
Don ráhkkanahhtet ja roahkasmahttet min.
Ane dál fuola searvegottis,
man leat biebman ja ráhkkanahhtán.
Roahkasmahte mánáidat
bálvalit du ja lagamuččaid
doppe, gosa don sin láidet.
Dán árpmu mii bivdit maiddá alcceseamet.
Giittus, ahte leat minguin buot beivviid čada.

3.

E Rámidehket Hearrá, dasgo son lea buorre.
S Su árbmugasvuohta bistá agálaččat.
E Máidnot hearráid Hearrá.
S Su árbmugasvuohta bistá agálaččat.
E Son okto dahká stuorra oavdudaguid.
S Su árbmugasvuohta bistá agálaččat.

E Gudni Áhččái ja Bárdnái ja Bassi Vuignii,
S nugo lei álggus, dál lea ja álo
agálašvuodas agálašvuhtii. Ámen.

SÁL. 136: 1–2, 4

4.

Erenoamážit sátneipmilbálvalusas.

Man ráhkisin mun anán du lága!
Geažos beaivvi mun guorahalan dan.
Man njálgát leat du sánit!
Dat leat cambbo go honnet mu njálbmái.
Du gohččumiin mun oáččun jierpmi.
Du sátni lea mu lávkkiidan čuovga,
lámpá, mii čuvge mu bálgá.

SÁL. 119: 97, 103–105

ÁLGGAHANSÁNIT

Álggahansániid álggus humahallama maŋŋá muitaluvvo beavvi ja dan ipmilbálvalusa erenoamáš sisdoalus. Dát friija oassi lea merkejuvvon guvttiin jurddasárgáin (– –).

DÁBÁLAŠ ÁLGGAHANSÁNIT

1.

Ráhkis ustibat.

– –

Go mii leat gásttašuvvon Ipmila mánnán, de mis lea vuoigatvuohta boahtit almmálaš Áhči ovdii. Oažžut giitit su, buktit su ovdii min iluid ja fuolaid, áigumušaid ja oktasaš áššiid. Oažžut rohkadallat su, ahte son rávvešii ja oahpistivččii ja attášii odđa fámu min eallimii. Ipmil hálaha min sániinis ja bovde min eahkedašbeavdái. Son fállá midjiide ándagassiiaddojumi su Bártni Jesusa Kristusa dihtii. Danne mii dovddastit dál sutnje min sudduid.

2.

Ráhkis kristtalaččat, oappát ja vieljat.

– –

Hearrá, min Ipmil, ássá allatvuodas ja bassivuodas, muhto son lea maiddái sin lahka, geain lea cuovkanan váibmu ja nuonddahallan miella. Go mii leat boahtán su ovdii, de dovddastehkot sutnje sudduideamet ja sivalašvuohtamet [ovtta jitnii] ná cealkkedettiin:

3.

Ráhkis kristtalaččat.

– –

Rabastehkot váibmomet buotveagalaš Ipmila ovddas ja dovddastehkot sutnje sudduideamet ná [ovtta jitnii] cealkkedettiin:

4.

Ráhkis oappát ja vieljat Jesusis Kristusis.

--

Mii leat Ipmila muoduid ovddas bivdimin su áhpásmahttit min vuoiŋŋa, sielu ja rupmaša. Mii leat bohtán gullat su sáni ja giitit su su árpmu ja oskkáldasvuoda ovddas. Ipmil lea bassi ja mii leat suddolaččat. Dovddas-tehkot sutnje sudduideamet ja rohkadallot ándagassiiaddojumi [ovtta jitnii] ná cealkkedettiin:

5.

Oappát ja vieljat.

--

Mii leat gásttašuvvon golbmaoktalaš Ipmila nammii.

Gásttas Ipmil ovttaštii min alccesis

ja guhtet guimmiidasamet.

Mii gullat oktii.

Ipmil lea álo leamašan min Áhčči.

Dallege go mii biehttaleimmet su.

Dallege go mii dáhtul jodiimet iežamet bálgáid.

Dallege go mii sierralágan eallindiliin gáiddaimet sus.

Otne mii muittašit iežamet gástta ja Ipmila oskkáldasvuoda.

Hálidit bohtit ruovttoluotta Áhči lusa

ja dovddastit, ahte mii leat láhppon.

6.

Ráhkis kristtalaččat.

--

Ipmil láhtte minguin láddásit ja árbmugasat.

Son čuorvu min, go mii gáidat sus.

Son ohcá min, go mii láhppot.

Dan dihtii mii oažžut bohtit roahkka

ja dorvvolaččat su ovdii

ja dovddastit sutnje min suddu ja sivalašvuoda

[ovtta jitnii] ná cealkkedettiin:

7.

Ráhkis kristtalaččat, vieljat ja oappát.

--

Min Beasti Jesus Kristus lea gillán ja jápmán min ovddas. Son eallá dál bajásčuožžilan Hearrán. Ipmil lea golggahan iežas ráhkisvuoda min váibmui, go attii midjiide Bassi Vuoiŋŋa. Mii giitit su das. Buktit su ovdii maddái dan átestusa, maid sivalašvuolta dagaha midjiide. Ipmil lea lohpidan árpmihit min. Dan dihtii mii dorvvastit Beasti soabahanbargui ja dovddastit sudduid [ovtta jitnii] ná cealkkedettiin:

BEARAŠIPMILBÁLVALUSA ÁLGGAHANSÁNIT

1.

Ráhkis ustibat.

--

Mii leat gásttašuvvon Ipmila mánnán. Oktan stuorra bearašin mii leat dál bohtán su ovdii. Almmálaš Áhčči dovdá min. Son atná mis fuola. Mii giitit Ipmila ja rohkadallat ándagassiiaddojumi Kristusa namas.

2.

Ipmila bearašveahka, unnit ja stuorrát.

--

Mii, geat leat gásttašuvvon Ipmila mánnán, leat dál bohtán oktasaš ipmilbálvalussii. Mii leat dego stuorra bearaš, mas leat sihke ilut ja fuolat. Mii buktit almmálaš Áhči ovdii min giitosiid ja bivdagiid. Mii muitalit sutnje maddái daid áššiid, mat deddet min miela.

3.

Ipmila bearašveahka, unnit ja stuorrát.

--

Almmálaš Áhči mánnán mii leat bohtán ovtas su ovdii. Ipmil bovde min iežas oktavuhtii. Mis leat olu dakkár áššit, mat dagahit soahpameahttuvuoda ja bilidit oktavuoda ruovttus ja bearrašis. Mii galgat soabadit ja oažžut ándagassii. Dan lea Ipmil válmmaštan midjiide Jesusis Kristusis. Dan dihtii mii rohkadallat:

4.

Ráhkis ustibat.

--

Mii leat boahtán ilolažžan Ipmila ovdii. Ipmil lea min sivdnidan. Son lea addán midjiide eallima ja eallima attáldagaid. Ipmil lea vuolggahan midjiide Jesusa veahkeheaddjin ja beastin. Jesus bovde iežas lusa juohkehačča, áibbas unnimusage. Ipmil lea addán midjiide attáldahkan Bassi Vuoiŋŋa, vai son oahpista ja roahkasmahtá su searvegotti. Gásttas mii leat váldojuvvon Ipmila searvegotti lahttun. Mii oažžut dorvvolaš mielain rohkadallat, ahte Ipmil attášii midjiide ándagassii.

5.

Ráhkis ustibat.

--

Mii leat gávdnan iežamet saji girkobeajkkas. Ipmila stuorra bearrašii čáhket buohkat. Dán bearrašis lea sihke illu ja fuolla. Ipmil, min Áhčči, diehtá min iluid ja doaivagiid. Son dovdá maiddáid daid áššiid, maid mii leat dahkan boastut ja mat deddet min miela. Mii dorvvastit dasa, maid Jesus lea dahkan min ovddas, ja bivdit, ahte Ipmil attášii midjiide ándagassii.

VUOSTTAS ADVEANTASOTNABEAIVI

Ráhkis kristtalaččat.

--

Min Hearná Kristus boahtá iežas álbmoga gaskii. Mii álggahit suinna odđa girkojagi. Beasti lagašvuohta addá midjiide boahttevuoda ja doaivvu. Dan dihtii mii oažžut boahit dorvvolaš mielain Ipmila ovdii, dovddastit sudduid ja átnut sus ándagassiiaddojumi (ná cealkkedettiin):

2.– 4. ADVEANTASOTNABEAIVI

Vieljat ja oappát.

--

Dál adveantaáigge Hearná cealká searvegoddásis: »Geahča, mun boadán fargga.» Mii leat ráhkkaneamen stuorra ávvudeapmái. Hilgot nappo buot dan, mii hehte min eallima odasmuvvamis. Beasti dáhttu leat min Hearná.

Mii oažžut dorvvastit su árbmui ja átnut su namas suttuid ándagassii [ovtta jitnii] ná cealkkedettiin:

JUOVLARUOHTTA

Ráhkis kristtalaččat.

— —

Ipmil lea oskkáldas. Su lohpadus profehaide lea ollašuvvan, engela sátni lea odne duohta: Storra illusáhka lea šaddan illun oppa máilbmái. Ipmil lea bohtán lahka, ja beastá álbmogis dan suttuin. Loaiddastehkot vuolegis ja giitevaš mielain su ovdii ja dovddastehkot min suttuid [ovtta jitnii] ná cealkkedettiin:

JUOVLAIDJA

Ráhkis kristtalaččat.

— —

Dán ija mii ávvudit min Hearrá riegádeami. Storra illusáhka lea šaddan illun oppa máilbmái: Midjiide lea odne riegádan Beasti, son lea Kristus, Hearrá. Su bokte midjiide lea rahppojuvvon geaidnu Ipmila oktavuhtii. Dan dihtii mis lea odnege vejolašvuohta dorvvastit dán bestojupmái ja rohkadallat Ipmila árpmu čuovgga iežamet callimii [ná cealkkedettiin]:

DAHJE

Ráhkis kristtalaččat.

— —

Min Beasti lea rahpan midjiide geainnu Ipmila oktavuhtii. Namma Jesus mearkkaša, ahte Ipmil beastá álbmogis dan suttuin. Dovddastehkot nappo sutnje suttuideamet [ovtta jitnii] ná cealkkedettiin:

JUOVLAIDIT

Ráhkis oappát ja vieljat.

— —

Midjiide lea riegádan Beasti. Son lea rahpan midjiide geainnu Ipmila oktavuhtii. Giittus lehkos das Ipmilii! Gopmirdehkot min Beasti kruppá gurrii ja dovddastehkot sutnje min suttuid [ovtta jitnii] ná cealkkedettiin:

JUOVLABEAIVI

Ráhkis kristtalaččat.

--

»Sátni šattai olmmožin ja ássagodii min luhtte, ja mii oinniimet su hearvásvuoda, dan hearvásvuoda man áidnariégádan Bárdni lea ožžon Áhčistis.» Min Beasti riegádeapmi lea buktán min eallimii árpmu ja duohtavuoda. Seavdnjatvuhtii lea ihtán čuovga, jápmima gaskii agálaš eallin. Illu ja giitevašvuolta devdet min váimmu. Mii oažžut dorvvolaš mielain dovddastit min sudduid buotveagalaš Ipmilii ja rohkadallat su ándagassiiaddojumi:

OĐĐAJAGI RUOHTTA

Oappát ja vieljat Jesusis Kristusis.

--

Herrá lea min dorvu buolvvas bulvii. Son lei ovdal go várit šadde, ovdal go eanan ja eananriika ožžo álgguset. Odne mii giitit Herrá buot das, maid son lea addán midjiide vássán jagi. Guoddit su háldui dan, mii lea vássán, ja bivdit su oahpistit dasa, mii lea ovddabealde. Mii moraštit seammás dan, ahte leat guodđán nu ollu buori dagakeahtá. Gáhtat daid baháid, maid mii leat bargan didolaččat dahje diedekeahtá. Mii luohttit Ipmila árbmugasvuhtii ja rohkadallat ándagassiiaddojumi [ovtta jitnii] ná cealkkedettiin:

OĐĐAJAGI BEAIVI

Ráhkis ustibat.

--

Ipmila buorre vuoda dihtii mii oažžut álggahit dán odđa jagi Jesusa Kristusasa namas. Gopmirdehkot giitevaš mielain su ovdii ja dovddastehkot min sudduid [ovtta jitnii] ná cealkkedettiin:

LOAHPPÁŽAT

Oappát ja vieljat Kristusis.

--

Sevdnjes albmái lea cahkiidan násti. Ipmila šearratvuohta lea almmustuvvan midjiide. Kristus lea buktán doavvu oppa máilbmái. Son bovde min ráhkisvuoda ja ráfi váldegoddái ja ávžžuha min doalvut bestojumi sáni buot álbmogiidda. Sus mii deaivat Áhči. Jorgalehkot dan dihtii bestojumi geidnui ja dovddastehkot Ipmilii min sudduid [ovtta jitnii] ná cealkkedettiin:

FÁSTOÁIGI

Oappát ja vieljat Kristusis Jesusis.

--

Dát áigi muittuha midjiide min Beasti gillámušgeainnus, masa miige leat min sudduid geažil sivalaččat. Mii oazžut dorvvastit su soabahanbargui ja dovddastit min rihkkosiid, jorralemiid ja healbademiid [ovtta jitnii] ná cealkkedettiin:

DAHJE

Ráhkis oappát ja vieljat Kristusis.

--

Mii leat gásttašuvvon Hearrámet jápmimii ja bajásčuožžileapmái. Danne Jesus gohčču min fástoáigge čuovvut su ruossageainnus. Su soabahanbargu lea min áidna dorvu min cuovkanan eallimis ja váimmu sivahallamiin. Dasa luohtedettiin mii rohkadallat Ipmilis friddjandahkki ándagassiiaddojumi:

GUHKESBEARJADAT

Ráhkis kristtalaččat.

--

Odne morraša ja biinnuid beaivve mii boahtit gillájeaddji Kristusa ruossa gurrii. Geahččat ruossamurrii, masa máilmmi Beasti lea návlejuvvon. Dat gulaha midjiide, ahte Jesus lea jápmimiinnis soabahan máilmmi sudduid ja oaffaruššan iežas maiddái min ovddas. Son gohčču min váldit vuostá Ipmila ándagassiiaddojumi. Dan dihtii mii gopmirdit dovddastit sudduideamet ja sivalašvuohtamet [ovtta jitnii] ná cealkkedettiin:

BEASSÁŠIDJA

Ráhkis oappát ja vieljat Kristusis.

--

Kristus lea lihkkán jápmimis. Hearrá lea duodaid bajásčuožžilan. Min sut-
tut leat soabahuvvon. Jápmima váldi lea vuittojuvvon, dahppon hávdi rahp-
pojuvvon. Ávvudehкот min Hearrá vuoitu. Mannot morrašis ja seavdnja-
dahas odda eallima illui ja čuovgadassii.

BEASSÁŠBEAIVI

Ráhkis kristtalaččat.

--

Kristus lea lihkkán jápmimis. Hearrá lea duodaid bajásčuožžilan. Jápmima
váldi lea vuittojuvvon, dahppon hávdi rahppojuvvon. Beassážiid kristagod-
di ávvuda Hearrámet vuoitus. Min suddut leat soabahuvvon. Dan dihtii el-
lot odda gulolašvuodas su oapmin (ja dovddastehкот min sudduid [ovtta jit-
nii] ná cealkkedettiin:)

HELLODUORASTAT

Oappát ja vieljat.

--

Bajásčuožžilan Kristus lea bajiduvvon hearvásvuhtii. Son lea mannan
Áhči lusa ja rohkadallá almmis min ovddas. Son, geas lea buot fápmu, ii
leat guoddán min oarbbisin. Mii oažžut vádjolit ovddosguvlui geainnu
man Beasti lea gárvvistan ja oažžut átnut su namas min sudduid ándagassii
[ovtta jitnii] ná cealkkedettiin:

HELLODAGAT

Ráhkis kristtalaččat.

--

Ipmila lohpadus Bassi Vuoiŋŋa golggaheames lea ollašuvvan. Mii oažžut
leat sihkkarat, ahte mii leat Ipmila mánát, su álbmot. Bassi Vuoiŋŋa oah-
pista min buot duohtavuhtii. Son buktá oidnosii min suddu ja sivalašvuoda,
muhto čuvge midjiide maiddái árpmu. Kristusii dorvvastemiin mii oažžut

dovddastit min rihkkosiid ja rohkadallat Ipmilis buhtisindahkki ándagassiiaddojumi [ovtta jitnii] ná cealkkedettiin:

BASSI GOLBMAOKTAVUOĐA BEAIVI

Ráhkis kristtalaččat.

— —

Mii leat čoagganan buotveagalaš ja čiegus, golbmaoktalaš Ipmila muoduid ovdii gullat su sáni ja váldit vuostá su attáldagaid. Mii máidnut Ipmila su áhčálaš ráhkisvuodas ja illudit Bassi Vuoiŋŋa oasálašvuodas. Dorvvastit Hearrá Jesusa Kristusa árbmui ja rohkadallat Ipmila ándagassiiaddojumi [ovtta jitnii] ná cealkkedettiin:

MIHKALMASBEAIVI

Ráhkis Ipmila bearašveahka.

— —

Máilmmis lea oppa áiggi doarrun čuovgasa ja seavdnjatvuoda, buori ja bahá gaskkas. Almmálaš Áhčči ii leat guoddán min okto dán doarus. Kristus lea vuotán bahá ja addán midjiide doaivvu buorebus. Ipmil sádde engeliid, geaid ovddas mii otne mihkalmasbeaivve giitit. Sii suodjalit ja bálvalit min. Vaikko mii iskat čuovvut Ipmila dáhtu, de liikká mii guossalit. Dovddastehkot dál Ipmilii min suttu ja sivalašvuoda ja átnot sus ándagassiiaddojumi [ovtta jitnii] (ná cealkkedettiin):

HÁLLEMAS (BUOT BASIID BEAIVI)

Ráhkis kristtalaččat.

— —

Buot basiid beaivve mii muitit almmi, man Ipmil lea midjiide válmmaštan ja gosa son vuordá min. Mii eallit jávkavaš máilmmis, muhto min ealiha doaivu beassat Ipmila mánáid šearratvuhtii, ja bassi olbmuid searvivuohta arvvosmahtá min. Go min birra lea nu stuorra joavku duodašteaddjit, de biddjot eret buot nodiid mat hehtejit min ja dovddastehkot min suttuid buotveagalaš Ipmilii [ovtta jitnii] ná cealkkedettiin:

BASSI HEANDARAGA MUITOBEAIVI

Ráhkis kristtalaččat.

--

Ipmil lea sádden evangeliuma sárdnideaddjiid min eatnamii. Otne mii muitit giitevaš mielain min vuosttas bismma Bassi Heandaraga, guhte gillái dáppe martyrjápmima. Su muitu jearaha mis, leatgo mii leamaš bealjeheamit gullat evangeliuma, čalmmeheamit oaidnit dan geainnu man sátni rahpá ja hihtásat oaffaruššat iežamet Ipmila riikka ovddas.

Dovddastehkot Hearrámet ovddas min sivalašvuoda ja bivdot ándagassii min suttuid (ná cealkkedettiin):

OKTASAŠ RIHPAT

SUTTUDOVDASTUS

1.

Mun dovddastan du ovddas, bassi Ipmil,
ahte mun lean leamaš suddolaš olmmoš gitta riegádeami rájes.
Máttuidan láhkai mun lean rihkkon du bassi dáhtu vuostá
ja suddudan jurdagiiguin ja sániiguin,
daguiguin ja healbademiiguin.
In leat ráhkistan du oppa váimmustan
inge iežan lagamučča nugo iehčan.
Mun diedán, ahte mun lean suddon dihtii ánsásan agálaš gádohusa,
juos don dubmet mu du bassivuoda ja vanhurskkisvuoda mielde.
Muhto don, ráhkis almmálaš Áhčči,
leat lohpidan árpmihit buohkaid,
geat hálidit dahkat buorádusa
ja báhtarit oskkuin min Beasti Jesusa Kristusa dorvui.
Dán du ládisvuhtii mun luohtán ja rohkadalan:
Atte mu sudduid ándagassii du nama dihtii.

2.

Čienjalvuodas mun čuorvvun dutnje, Hearrá.
Hearrá, gula mu jiena.
Jorgal beljiidat gullat mu rohkosa.
Juos don, Hearrá, anát muittus sudduid,
Hearrá, guhte dalle ceavzá?
Muhto du lea árbmu, don attát ándagassii,
vai mii ballat dus.
Danne, Ipmil,
leage munnje árbmugas du buorrevuoda dihtii.
Basa mu buhtisin mu rihkkosis
ja atte mu jorraleami ándagassii.
Du, aivve du vuostái mun lean rihkkon,

lean dahkan du dáhtu vuostá.
Jorgal eret čalmmiidat mu suttuin
ja sihko mus buot mu bahás daguid.
Ipmil, sivdnit munnje buhtes váimmu
ja odasmahte mu, atte nana vuoiŋŋa.

3.

Ládislaš Ipmil, ráhkis almmálaš Áhčči.
Mii dovddastit dutnje min suttuid,
maiguin leat ánsásášan du vaši ja ránggáštusa.
Geahča árpmolaččat midjiide
ja atte midjiide min suttuid ándagassii
ráhkis Bárnát,
min Beasti Jesusa Kristusa dihtii.

4.

Ládis Ipmil, ráhkis almmálaš Áhčči,
guhte leat gierdavaš ja guhkesmielalaš
ja attát árpmustat ándagassii bahás daguid, rihkkosiid ja suttuid.
Mii leat suddudan, leat leamašan ipmilmeahtumat
ja rihkkon du dáhtu vuostá.
Ale muitte min bahás daguid alege ájit mis du árpmu,
dasgo mii leat headáskan ja átestuvvan suttuideamet dihtii.
Veahket min, Ipmil, du nama gudni dihtii.
Beastte min ja atte buot min suttuid ándagassii.
Atte midjiide du Bassi Vuoiŋŋa árpmu,
vai mii luobašeimmet suttolaš eallimisttámet
ja oččošeimmet du luhtte agálaš eallima,
du Bárnni Jesusa Kristusa, min Hearrá dihtii.

5.

Almmálaš Áhčči.
Mun lean gásttašuvvon du mánnán.
Don leat jodihan mu seavdnjadasas čuovgasii,
beastán mu gádohusas almmi árbbolažžan.
In leat almmatge eallán nugo du mánná galgá.

In leat guldalan du jiena inge jeagadan du dáhtu.
Ipmil, árpmít mu du Bártni Jesusa Kristusa dihtii.
Basa mu buhtisin ja atte buot mu sudduid ándagassii.

6.

Árbmugas Ipmil.
Mun dovddastan du ovddas,
ahte suddu lea čatnan mu,
inge mun nákke beastit iehčan.
Mun lean rihkkon du bassi dáhtu vuostá
ja vuostálastán du báhkкомиid buressivdnádusa.
Don oainnát buot vearrivuoda,
dange maid in ieš oainne.
Árpmít mu du Bártni Jesusa Kristusa dihtii.

7.

Vuoi don buot árpmoleamos,
russiinávlejuvvon Hearrá Jesus Kristus.
Árpmít mu, váivváš suddolačča,
ja geahča mu beallái ládis čalmmiiguin,
nugo don gehččet Biehtáarii, go son lei biehttalan du,
ja nugo don gehččet suddolaš nissonii farisealačča viesus
ja rievváarii ruossamuoras.
Atte munnje du bassi árpmu,
vai mun, nugo Biehtár, čirošin sudduidan,
nugo suddolaš nisu du váimmustan ráhkistivččen
ja ovttas rievváariin oččošin geahčadit du bassi muoduid
almmis agálaččat.

8.

Hearrá, mun dovddastan du duohtavuoda čuovgasis,
ahte lean suddudan jurdagiiguin ja sániiguin,
daguiguin ja healbademiiguin.
Mun galggašin ráhkistit du,
Ipmilan ja Beastán, buot badjel,
muhto lean ráhkistan iehčan eambo go du.

Don leat addán munnje lagamučča,
vai ráhkistivččen su nugo iehčan.
Lean dattetge leamaš vuovnnalaš
ja mu giehta lea leamaš hidis veahkehit.
Dan dihte boadán du ovdii
ja dovddastan mu suttu ja sivalašvuoda.
Dubme mu, Ipmil,
muhto ale hilggo mu.
Mus ii leat mihkkege eará dorvvuid,
go du cealkemeahtun ládisvuolta.

9.

Herrá, min Ipmil,
buot buorrevuoda ja árpmu ája.
Du ovddas mii dovddastit buot dan vearrivuoda,
maid mii leat dahkan,
eahpevuoiggalašvuoda, mas mii leat leamašan mielde,
ja buot dan,
mainna mii leat futnon du árpmu ja duohtavuoda.
Veahket min váldit vuostá du ráhkisvuoda,
min Beasti soabahanbarggu.
Buhtis min árpmuinat
Jesusa Kristusa, min Herrá bokte.

10.

Herrá, don guhte oainnát buot visot ja geas ii giige sáhte čiehkát
maidege.
Don it dáhto, ahte suttolaš jápmá,
muhto vuorddát, ahte son jorggiha ja oažžu callit.
Geahča munnje, árpmi mu
ja atte buot mu suttuid ándagassii.
Veahket mu,
vai mun livččen calli lahttu du searvegottis,
dasgo don leat mu divrasit lonistan.
Mun dáhtun luohttit dušše du ládisvuhtii
ja orrut doppe, gos sárdniduvvo
árpmu ja soabahusa sátni.

11.

Suttudovddastusa lea vejolaš boatkut searvegotti rohkosdajaldagain, dahje – lávlagiin (omd. sálmmas 431: 6: »Jesus, boađe dorvun munnje, leage munnje árpmolaš») dahje dan gaskkas sáhttá leat jaskes boddu.

Buotveagalaš Ipmil, ráhkis almmálaš Áhčči. Don leat sivdnidan min iežat govvan ja dahkan min du mánnán, vai mii ealášeimmet du oktavuodas. Mii dovddastit du ovddas, ahte mii leat jorggihan dus eret ja bálvalan sivdnádusa canet go du, buot oinnolačča ja oaidnemeahttuma Sivdnideaddji.

– rohkosdajaldat

Don leat vuolggahan du Bártni Jesusa Kristusa lámppon olmmošsoga beastin ja buktán min ruovttoluotta du oktavuhtii. Mii leat goittotge mángga láchkai hilgon du bovdehusa. Mii leat šiitán iežamet sivalašvuoda ja siva-hallan earáid. Leat ohcan soabahusa iežamet daguiguin ja dorvvastan iežamet jurdagiidda ja čilgehusaide.

– rohkosdajaldat

Don leat addán du Bassi Vuoiŋŋa midjiide ofelažžan, vai mii máhtášeimmet eallit du dáhtu mielde. Mii leat goittotge hálidan ieža stivret min eallima ja leat johtán iežamet bálgáid dus beroškeahtta. Eahpeosku, átestus ja eatnanlaš fuolat leat deavdán min váimmu.

– rohkosdajaldat

Ráhkis almmálaš Áhčči, mii dárbbášit bestojumi. Ale guode min okto sivalašvuhtii, muhto atte ándagassii min suttuid ja deavdde min du ráfiin.

12.

Herrá, máilmmis lea dievva vearrivuohta ja veahkaváldi.

Mii gullat das juohke beaivve,

muhto eat dáhto dovddastit,

ahte mii leat iežage oasálaččat dasa ja danne maiddá sivalaččat.

Mii leat dávjá diktán vearrivuoda vuoitit,

vaikko livččiimet sáhttán caggat dan.

(jaskatvuohta)

Mii leat dávjá orron jaska,

go lei galgat sárdnut.

(jaskatvuohta)

Mii leat dušše hállan,
go lei galgat doaibmat.

(jaskatvuohta)

(Dasa lea vejolaš lasihit áigeguovdilis fáttáid.)

Ipmil, mii dovddastit sivalašvuohtamet ja bivdit:

Árpmil ja veahket min.

Ale geahča min bahávuhtii,

berošmeahttunvuhtii ja dilsivuhtii.

Geahča du Bárdnái Jesusii Kristusii,

guhte lea jápmimiinnis vuoitán bahá válldi

ja skáhppon midjiide du ándagassiiaddojumi.

13.

Herrá,

don leat čuovga, muhto mun in leat geahččan dutnje.

Don leat geaidnu, muhto mun in leat čuvvon du.

Don leat duohtavuohta, muhto mun in leat bisson dus.

Don leat eallin, muhto mun in leat dovddastan dan.

Don leat mu oahpisteaddji, muhto mun in leat jeagadan du.

Ja almmatge, Herrá,

go mun dagan boastut ja bilidan ealliman,

de mun lean lihkoheapmi ja sivahalan du.

Herrá, atte munnje ándagassii.

Dán mun ánun Jesusa Kristusaa,

mu Beasti dihtii.

14.

Almmálaš Áhčči.

Don sivdnidit dán eatnama, dan šattuid ja calliid

illun alcesat ja olbmuide.

Don oskkildit min háldui buorre eatnama,

muhto mii leat jorgalan du vuostá.

Mii leat ádján min daguiguin

oppa luodduriikka hevvui

ja dál orru leamen,
ahte buot masa mii guoskkahit cuovkana.

Áhčči, mii dovddastit, ahte leat fámoheamit
bissehit duššadeami gierddu.
Dávjá dallege go mii diehtit,
maid eallima bajásdoallama ovdii fertešii dahkat,
mii eat jorggit.

Mii golahit eambo go lea govttolaš
ja suoládit láibbi boahhtevaš buolvvain,
geaid fertešeimmet ráhkistit nugo iežamet.
Hánisvuohta ja berošmeahtunvuohta
dolvvohallá min juohke beaivve.

Áhčči, atte midjiide ándagassii.
Beastte min vahátlaš meannudeamis
ja cahkket mis ráhkisvuođa,
mii láide min rivttes daguide,
vai mii láhttet riehta du sivdnádusaiguin.

15.

Erenoamážit nuoraid ipmilbálvalusas:

Almmálaš Áhččámet.
Don leat sivdnidan min friddjan,
muhto suddu bilida friddjavuođa.
Don it bágge min searvásat.
Almmatge don dáhtut, ahte mii ealášeimmet du mánnán.
Mii johtit dávjá iežamet bálgáid
ja garvit vástomet.
Goittotge mii ávaštit,
ahte eallima čiejalvuohta ja rikkisvuohta
boahdá ovdan beare du oktavuodas.
Mii dovddastit min sivalašvuođa ja bivdit:
Atte midjiide ándagassii,
go oaidnit dušše iežamet
eatge háliit čuovvut du dáhtu.

16.

Suttudovddastussan lea vejolaš geavahit ovdamearkka dihtii čuovvovaš sálm-
maid: 46:1 ja 6, 48:1,2 ja 6, 49, 156:1–3, 418.

SUTTUBEASTIN

1.

Buotveagalaš, árbmugas Ipmil
lea árpmihan min stuorra ládisvuodastis.
Su Bártni Jesusa Kristusa dihtii
son addá midjiide suttuid ándagassii
ja addá callima ja ávdugasvuoda.
»Dasgo nu lea Ipmil ráhkistan máilmmi
ahte son attii áidnoriegádan Bártnis,
amas oktage guhte osku sutnje mannat gádohussii,
muhto vai son oažžu agálaš callima.»

2.

»Herrá lea sin lahka,
geain lea cuovkanan váibmu,
ja son beastá sin, geain lea nuonddahallan miella.»
Jesusa Kristusa bálvaleaddjin mun duodaštan dutnje,
ahte Ipmil addá árpmustis buot du suttuid ándagassii.

3.

Ipmila sátni lohvida midjiide:
»Dát sátni lea jáhkehahti ja vuostáiváldin veara,
ahte Kristus Jesus bodii máilbmái beastit suttolaččaid.»

4.

Herrá lea ládis ja addá ándagassii.
Son lea gierdavaš
ja su árbmu lea stuoris.
Nu allin go albmi lea eatnamis,
nu stuoris lea Herrá árbmu sidjiide,

geat ballet sus ja ráhkistit su.
Nu guhkkin go nuorta lea oarjin,
nu guhkás son sirdá mis min sudduid.
Nugo áhčči árpmiha mánáidis,
nu árpmiha Hearrá sin,
geat ballet sus ja ráhkistit su.

5.

Ná cealká Hearrá:

»Ale bala, dasgo mun lean du lonistan.
Mun lean du nama mielde gohččon, don leat mu.
Várit gáidoset ja duoddarat doarggistehkuset,
muhto mu ráhkisvuohta dutnje ii rievdda
iige mu ráfilihttu suoibbo.»

6.

Lehket buori dorvvus.

Dainnago Hearrá dadjá buot gáhtavaččaide:

»Vaikko din suddut leat varraruoksadat,
šaddet dat čeaskadin.
Vaikko dat leat purpurruoksadat,
šaddet dat ulluvielgadin.»

7.

Jesus cealká:

»Ustiban, leage dorvvolaš mielain,
du suddut leat dutnje ándagassii addojuvvon.»
[Dán suddubeastima mun gulahan dutnje
Áhči ja (+) Bártni ja Bassi Vuoiŋŋa nammii.]

8.

Jos mii vádjolit čuovgasis,
nugo son iešge lea čuovgasis,
de mis lea searvivohta guhtet guimmiideametguin,
ja su Bártni Jesusa varra buhtista min buot suddus.
Jos mii dovddastit suddomet,

de son lea oskkáldas ja vanhurskkis,
ja addá midjiide min sudduid ándagassii
ja buhtista min buot vearrivuodas.

9.

Bassi Čála nanne,
ahte ii leat šat mihkkege dubmehusaid sidjiide
geat leat Kristusis Jesusis.
Su bálvaleaddjin mun cealkkán dutnje,
ahte du suddut leat ándagassii addojuvvon
Áhči ja (+) Bártni ja Bassi Vuoiŋŋa nammii.

10.

Ipmil lea bassi,
muhto son lea maiddá ládís ja addá ándagassii.
Son lea gullan du/din rohkosa
ja addá Kristusa dihtii buot du/din sudduid ándagassii.
[»Kristusa varas mis lea lonástus
ja sudduid ándagassii addojupmi.»]

GIITTUSROHKOS

1.

Ráhkis almmálaš Áhčči.
Giittus, ahte don attát min sudduid ándagassii
Jesusa dihtii.
Veahket min eallit du árpmu veagas.

2.

Ipmil, Áhččámet,
mii giitit du das,
ahte Jesus Kristus lea rahpan geainnu du lusa.
Nanne min oskku, lasit doaivvu
ja odasmahte min ráhkisvuoda.

3.

Máinno Hearrá, mu siellu,
ja buot mii mus lea,
máinno su bassi nama.

Máinno Hearrá, mu siellu,
ale vajáldahte buot su buorredaguid.

Son addá ándagassii buot mu sudduid
ja dálkkasta buot mu buohcuvuoda.

Son beastá mu jápmimis
ja kruvnnida mu árpmuin ja ráhkisvuodain.

HEARRÁ, ÁRPMIT

KYRIE–LITANIA

- O** Hearrá Ipmil, almmálaš Áhččámet.
Don leat min sivdnidan, ja mii leat du.
Gula mánáidat rohkosa.
- S** Hearrá, árpmit min.
- O** Hearrámet Jesus Kristus, min sudduid soabaheaddji.
Don leat bajásčuožžilan jápmimis.
Leage minguin.
- S** Kristus, árpmit min.
- O** Jeddejeaddji, Bassi Vuoigņa,
don ilu rivttes ája.
Raba váibmomet giitalit du.
- S** Hearrá, árpmit min.

DAHJE

- O** Rohkadallot ráfis Hearrá.
- S** Hearrá, árpmit (min).
- O** Rohkadallot ráfi allagasas
ja sieluideamet bestojumi.
(Rohkadallot Hearrá).
- S** Hearrá, árpmit (min).
- O** Rohkadallot ráfi oppa máilbmái.
Rohkadallot gierdavašvuoda ja ovttamielalašvuoda
Ipmila searvegoddái.
(Rohkadallot Hearrá).
- S** Hearrá, árpmit (min).
- O** Rohkadallot dán vissui čoagganan searvegotti beales,

buohkaid beales, geat čurvot veahkin Hearrá nama.
(Rohkadallot Hearrá).

S Hearrá, árpmit (min).

O Rohkadallot Hearrá,
vai son árpmihivččii, bealuštivččii
ja várjalivččii min.
(Rohkadallot Hearrá).

S Hearrá, árpmit (min).

OKTASAŠ OVDDASROHKOS

OKTASAŠ OVDDASROHKOSAT

Bassi Ipmil, almmálaš Áhččámet. Mii giitit du sánistat, mas mii oazžut gullat du jiena. Atte du searvegoddái oskku ja doaivvu, ja divtte min dovddiidit du liekkusis ráhkisvuoda ja oktavuoda gaskaneamet. Buressivdnit min bismagotti bismma ja min searvegotti bargiid. Veahket min buohkaid leat oskkus dearvasat ja ángirat ja eallit du sáni mielde.

Buressivdnit min girku ja oppa kristtagotti vuolggahusbarggu. [Mii rohka-dallat searvegotti nammavuolggahanolbmo (–olbmuid) N.N. / – – (nammavuolggahangietti) ja min ustitsearvegotti ovddas. Arvosmahte ja nanne sin, geat doarrádallojuvvojit Kristusa nama dihtii. Čohkke álbmogat buot guovlluin du riikii, ja veahket min doaivvuin vuordit du Bártni máhccama.

Mii giitit du áhčieatnama ovddas. Buressivdnit dásseválldi presideantta, ráddehusa, riikkabeivviid ja riekteológadusa. Buressivdnit Sámedikki barggu. Atte ráddejeaddjiide vásttolašvuoda, vai sii ovddidivčče vuoiggalašvuoda. Oahpis sin doaibmat eandalitge daid buorrin, geat leat buot heajumus dilis. Buressivdnit sin, geat huksejit dán eatnama, vuoddudit ja dikšot fitnodagaid ja ordnejit barggu eatnagiidda. Veahket min juohkit du attáldagaid nu, ahte juohkehaččas lea govttolaš birgejuvumi ja olmmošárvosas eallin. Jávkat min gaskkas gádašvuoda ja oahpat min gudnejahttit nuppiideamet.

Várjal min riikka soadis ja lihkohisvuodain. Čájjet midjiide min vásttu luondduriikkas, amamet vuovdnáivuodas duššadit ja nuoskkidit dan. Sojat min gáhtamuššii ja jorgalussii, go eaidat dus ja miedihit suddolaš eallimii.

Buressivdnit min ruovttuid. Atte daidda ándagassiiaddi miela ja du čavdudeaddji lagašvuoda. Veahket váhnemiid fuolahit mánáin. Stivre mánáid ja nuoraid rávásmuvvama. Veahket min buohkaid bissut searvegotti oktavuodas ja čuovvut oskkáldasat min Hearrá.

Almmálaš Áhččámet. Du sáni gohčču min guoddit nuppiideamet nodiid. Veahket min doarjalit sin, geaid eallima deaddá moraš, buohcevuoha dahje oktonasvuoha. Doarjjo ja jedde daid lagamuččaid, geaid ovddas lea sihttojuvvon rohkadallat: – –. Gula maiddá min jaskes rohkosiid. (Jaskes rohkos.)

Almmálaš Áhččámet. Mii máidnut du das, ahte du Bárdni Jesus Kristus lea vuoitán suttu ja jápmima. Go min jápminboddu šaddá, de váldde min du lusa albmái, gos mii oažžut rámidit du agálaččat.

2.

Ealli, buotveagalaš Ipmil, du mii čuorvut veahkkin. Gula min árpmustat.

Mii rohkadallat du girku ovddas min ruovttuguovllus ja eará sajiin: min searvegotti ja dan bálvaledjiid ovddas, min bismagotti ja bismma (NN) ovddas, buot girkuid ja daid báimmániid ovddas. Suova du girkui oktavuoda ja ráfi. Divtte sánát viidánit oppa máilbmái.

Rohkadallat min álbmoga ja oppa máilmmi ovddas. Divtte ráfi, vuoigatvuoda ja friddjavuoda vuoitit. Buressivdnit álbmogiid jodiheaddjiid.

Mii giitit du bearrašis ja buot lagaš olbmui. Don, guhte dovddat min iluid ja fuolaid, buressivdnit min.

Muitte buot buohcciid ja daid, gudet gillájit oktonasvuodas ja dorvvuhisvuodas. Rohkadallat sin ovddas, geaid deddet rudalaš váttisvuodat dahje gudet eai oainne ulbmila eallimis, geat dovdet barggu lossadin dahje geain lea bargguhisvuoda noaddi. Muitte daid, gudet leat lahka jápmima. Mii rohkadallat jápmán ráhkis olbmuid ovddas. Suova min dán eallima maŋŋá ovtta singuin ja buot basiiguin oaidnit du muoduid čuovgga.

Mii addit iežamet, nuppiideamet ja oppa min eallima du háldui.

3.

Ealli Ipmil,
buot Sivdnideaddji ja bajásdoalli,
árpmat min.

Mii rohkadallat du sin ovddas,
geat ellet sodiid ja lihkohisvuodaid,
nállevealaheami ja servodatlaš eahpevuoiggalašvuoda áhtáštusas.
Mii rohkadallat báhtareaddjiid ja buot doarrádallojuvvon olbmuid ovddas.
Várjal min berošmeahtunvuodas ja vuovdnáivuodas.
Árpmat min.

Mii rohkadallat buohcciid ja vajáldahtton olbmuid ovddas.
Rohkadallat illástuvvon ja hilggoduvvon mánáid ovddas.
Rohkadallat bargguhis ja hievganan olbmuid ovddas.

Veahket min fuomášit headi, mii lea min birra.
Atte roahkkatvuoda geahpedit gillámušaid
ja čájjet midjiide dasa rádiid.
Árpmi min.

Mii rohkadallat du min riikka ja álbmoga ovddas.
Rohkadallat dásseválddi presideantta ja ráddehusa,
riikkabeivviid ja buot almmolaš válddigeavaheami ovddas.
Atte viissisvuoda ja vuoiggalašvuoda dovddu.
Mii rohkadallat Sámedikki ovddas.
Muitte sámeálbmoga ja eará eamiálbmogiid.
Roahkasmahte min buohkaid ovddidit servodaga,
gos iešguhtege oažžu olmmošárvvu
ja gos lea dorvvolaš eallit.
Veahket min atnit muittus, ahte mii leat oassi du luondduriikkas.
Atte midjiide viissisvuoda ávkkástallat luonddu riggodagaid nu,
ahte boahttevaš sohka buolvvainge livčče dáppe eallinvejolašvuodat.
Árpmi min.

Ealli Ipmil,
mii bivdit, ahte du Bassi Vuoignja odasmahtášii searvegottát,
vai dat gulahivččii čielgasit ja roahkkadit du stuorra árpmu.
Min Herra Jesúsana nammad.

4.

- O** Almmolaš Áhčči, giittus das,
ahte oažžut boahtit du lusa dego mánát.
Boahtit iluideametguin ja nodiideametguin.
Giittus go mii oažžut gullat du bearrašii,
vaikko mis leat iešgudesse sierralágan eallinvásáhusat.
Áhčči, don sivdnidat odđa eallima.
- S** Odasmahte min du Vuoinjain.
- O** Mii muittašit oktonas ja hilgojuvvon olbmuid.
Atte midjiide hearkivuoda gullat sin ságaid.
Veahket min láhttet nuppiideametguin
olmmošlaččat ja gierdavaččat.
Mii muittašit sin, geat leat átestuvvan eallindiliset geažil,

geaid fuolat ja balut mollejit.
Mii rohkadallat du sin ovddas,
geat váibet barggus ja dilihisvuodas.
Áhčči, don sivdnidat odda eallima.

S Odasmahte min du Vuoiŋŋain.

O Oppa eana lea dievva du attáldagain.
Mii rohkadallat sin ovddas,
geat eai oainne du buorrevuoda.
Mii čuorvut daid ovddas,
geaidda máilbmi lea dego guorba ávdineanan
ja eallin dego nohkameahtun doarrun.
Veahket min guoddit sin nodiid,
dasgo mii gullat seammá olmmošohkii.
Áhčči, don sivdnidat odda eallima.

S Odasmahte min du Vuoiŋŋain.

O Mii rohkadallat válddigeavaheaddjiide viissisvuoda,
vai sii oainnášedje juohkehačča eallima buhttemeahtun árvvu.
Buktit du ovdii sámeálbmoga dárbbuid ja rohkadallat
buresivdnádusa Sámedikki bargui.
Raba sin čalmmiid geat eai ádde vásttuset,
raba sin beljiid geat eai gula vuollegaččaid jiena.
Várjal min vuovdnáivuodas ja iežamet ávkki očcodeamis,
go dikšut ja mearridit oktasaš áššiid.
Áhčči, don sivdnidat odda eallima.

S Odasmahte min du Vuoiŋŋain.

O Don leat minguin eallima buot diliin.
Oainnát mánáža, gii lea eatnis askkis,
nuorra olbmo, gii ohcá iežas ja iežas saji eallimis,
olles olbmo, gii lea vásttu deattuid vuolde,
vuorrasa, gii lea fá mohuvvamin ja gillá oktonasvuodas,
buot min lagamuččaid, geaid ovddas mii dál jávohaga rohkadallat.
(Jaskes rohkos)
Mii rohkadallat sidjiide, geat leat jápmimin,
agálaš ráfi ja vuoiŋŋadusa.
Áhčči, don sivdnidat odda eallima.

- S** Odasmahte min du Vuoiŋŋain.
- O** Ipmil, don jeddet min dego eadni mánáidis,
dego áhčči don válddát min du askái.
Mii oskildit iežamet sihke eallima áigge
ja jápmima bottus du dikšui.

5.

Ipmil, Áhččámet.

Don humahalat min

ja bovtát mis oskku.

Mii átnut dus njuorasvuoda ja jegolašvuoda,

vai áddešeimmet, ahte don leat

dáppe máilmmis.

Atte buot bálvleaddjiidasat

ráfi nealggi ja vuoiggalašvuoda goikku.

Šaddat mis árpmolašvuoda

ja oahpat min átnut ándagassii

guhtet guimmiineamet.

Atte midjiide roahkkatvuoda deaivat nuppi olbmo duskki.

Mii rohkadallat du morašteaddjiid ja šlundon olbmuid ovddas,

Rohkadallat sin ovddas, geat leat beahttašuvvan eallimis,

náittosbáraid ovddas, geain lea váttis eallit ovttas,

cuovkanan bearrašiid ovddas,

daid ovddas, geat ohcet guoimmi

ja geaid áibbašcapmái ii leat vástiduvvon.

Jedde sin, čájjet geainnu ovddosguvlui,

čuvge eallima attáldaga ja vejolašvuodaid.

Mii rohkadallat buohcciid ovddas ja sin ovddas, gudet leat jápmimin.

Atte sidjiide doavvu.

Rohkadallat du gillájeaddjiid ovddas

ja sin ovddas, geat ellet balus,

sin ovddas, geat duolbmašuvvet sodiin,

sin ovddas, geat biinniduvvojit,

buot rivvejuvvon álbmogiid ovddas,

gefiid ja sordojuvvon olbmuid ovddas,

buohkaid daid ovddas,
geat badjelgehččojuvvojit sin earáláganvuoda geažil.
Oppa máilbmi áibbaša doaivvu ja ráhkisvuoda.

Divtte min ja oppa máilmmi dovdat,
ahte don leat min Ipmil
ja mii leat du álbmot.
Don leat min sivdnidan,
don doalahat min eallima.
Don dovddat min
ja attát midjiide árpmot.
Rámádus dutnje Jesusa Kristusa, min Hearrá dihtii.

6.

Buotveagalaš Áhčči. Mii buktit du ovdii jaskes rohkosis iežamet,
nuppiideamet ja min oktasaš áššiid:

– Rohkadallat min girku ja searvegotti ovddas.

(jaskes boddu.)

– Rohkadallat daid ovddas, geat leat bassi gásttas váldojuvvon du
oktavuhtii – – (namat), sin váhnemiid ja ristváhnemiid ovddas.

(jaskes boddu.)

– Rohkadallat daid ovddas, geat áiguba/áigot náitalit/leat náitalan – –
(namat).

(jaskes boddu.)

– Rohkadallat jápmán olbmuid – – (namat) ja sin oapmahaččaid ovddas.

(jaskes boddu.)

– Rohkadallat min eatnama ja álbmoga ovddas.

(jaskes boddu.)

– Rohkadallat min bearraša ja lagaš olbmuid ovddas.

(jaskes boddu.)

– Rohkadallat buohcciid, gillájeaddjiid ja jámadeaddjiid ovddas.

(jaskes boddu.)

Buotveagalaš Áhčči. Giittus das, ahte gulat min bivdagiid. Rámádus lehkos dutnje dál ja agálaččat.

7.

Oktasaš ovddasrohkos adveantaáigge

- O** Jesus gulahii Ipmila riikka: buohccit buorránit, jábmit bajásčuožžilit ja sordojuvvon olbmot dahkkojit friddjan. Rohkadallot ahte Ipmila riika boadášii min gaskii. Boade, Hearrá Jesus.
- S** Hosianna, gula min rohkosa.
- O** Mii rohkadallat oppa girku ovddas ja buohkaid ovddas, geat das barget. Rohkadallat dan, ahte sáhtášeimmet bargat Ipmila gudnin mánggalágan gohččunbargguid. Boade, Hearrá Jesus.
- S** Hosianna, gula min rohkosa.
- O** Mii rohkadallat iežamet álbmoga ja buot máilmmi álbmogiid ovddas. Muitit erenoamážit deddon olbmuid ja veahkaválldi oaffariid. Rohkadallat válddigeavaheaddjiide ja álbmogiid oaivámuččaide vásttolašvuoda ja olmmošlašvuoda. Boade, Hearrá Jesus.
- S** Hosianna, gula min rohkosa.
- O** Mii rohkadallat buohcciid ja vuorrasiid ovddas sihke sin ovddas, geat gillájit oktonasvuodas. (Erenoamážit muitit – –). Mii muitit bargguhis olbmuid ja daid, geat nuonddahallet bargguideaset vuolde. Moriidahte min buohkaid oktasaš vásttolašvuhtii. Boade, Hearrá Jesus.
- S** Hosianna, gula min rohkosa.

O Mii rohkadallat iežamet eallinbirrasa ovddas. Buktit du dikšui min ustibiid ja bargo– ja lohkanskihpáriid. Nanusmahte min gaskasaš searvivuoda ja oahpis ráhkisvuodainat.
Boade, Hearrá Jesus.

S Hosianna, gula min rohkosa.

(Dákko lea vejolaš buktit ovdan lasserohkosiid)

O Mii buktit dáid rohkosiid du ovdii, Ipmil, ja luohttit dasa, ahte don gultat min ja joatkkát du barggu máilmmis. Vare min eallin livččii gudnin dutnje. Dán rohkadallat Jesusa Kristusa, min Hearrá namas.

8.

Oktasaš ovddasrohkos juovlaáigge.

Rohkosa sáhtta boatkut servegotti rohkosdajaldagain dahje –lávlagiin dahje dan gaskkas sáhtta leat jaskes boddu.

Jesus Kristus,
odne mii máidnut du,
olmmožin šaddan Ipmil.
Mii giitit ja bálvvuštít du.
Ávvudehkos oppa eanan,
Beasti lea boahtán.

– rohkosdajaldat

Almmálaš Áhčči,
mii rohkadallat du buot olbmuidat,
oppa kristtagotti ovddas.
Muitit iežamet girku ja iežamet searvegotti vuolggahusbarggu
ja daid girkuid ja vuolggahusservviid,
maiguin mis lea oktasašbargu.

(Buktit du ovdii min nammavuolggahanolbmo NN:a.)

Divtte buot álbmogiid gullat
illusága du Bártni riegádeamis.
Ávvudehkos oppa eanan,
Beasti lea boahtán.

– rohkosdajaldat

Mii rohkadallat min lagaš olbmuid ovddas
ja sin ovddas,
geat leat sihtan mis ovddasrohkosa.
Muitit buot daid olbmuid ja áššiid,
maid buktit dál jaskes rohkosis du ovdii.

(Jaskes rohkos)

Mii rohkadallat buohcciid ja jámadeaddjiid ovddas.
Divtte juovllaid illusága arvvosmahttit sin,
vai sii doalašedje gitta agálaš callima doaivvus.
Ávvudehkos oppa eanan,
Beasti lea boahtán.

– rohkosdajaldat

Mii rohkadallat álbmogiid ja daid oaivámuččaid ovddas.
Várjal sin válddihimus
ja atte sidjiide viissisvuoda bargat nu,
ahte buot olbmuin livččii buorre eallit.
Mii rohkadallat sin ovddas, geat gillájit soadis ja veahkaválldis.
Muitit du ovddas válddi boasttogeavaheami oaffariid,
doarrádallon ja nelgon olbmuid.
Veahket min šaddat olmmožin, geat duddjojit ráfi.
Ávvudehkos oppa eanan,
Beasti lea boahtán.

– rohkosdajaldat

Ipmil, Áhččámet,
don sáddejit du Bártni eatnan ala,
olmmožin olbmuid gaskii.
Danin mii buktit buot min bivdagiid dutnje
vielljamet ja Hearrámet Jesusa Kristusa bokte.
Ávvudehkos oppa eanan,
Beasti lea boahtán.

9.

Oktasaš ovddasrohkos fástoáigge

Ipmil, árbmugas Áhčči,
njuorrat min váimmu garasvuoda
amamet uhcášit muhto fuomášit daid olbmuid gillámuša,
geat ellet min lahka:

gillámuša, mii lea boares olbmuid oassin,
go olbmot eai gudnejahte sin eaige beroš sis,
muhto guddet sin okto,

gillámuša, mii lea váhnemiid oassin,
go sii ballet boahttevuodas
ja moraštit mánáid dihtii,

gillámuša, mii lea nuorra olbmuid oassin,
go sii ohcet iežaset saji servodagas, muhto eai gávna dan,
ja go sis lea dovdu, ahte ii oktage ádde sin,

gillámuša, mii lea mánáid oassin,
go oktage ii guldal sin jearaldagaid
iige sis leat oktage geasa dorvvastit,

gillámuša, mii lea hejot buohcciid
ja suohppáduvvan olbmuid oassin,

gillámuša, mii lea átestuvvan olbmuid oassin,
go ii leat oktage, geasa luohttit,
gillámuša, man sivalašvuolta dagaha,
go ii leat mihkkege, mii geahpedivččii sivalašvuoda noadi,

gillámuša, mii lea doaivvuhuvvan olbmuid oassin,
geat dušše ohcalit jápmima.

Herrá, mii rohkadallat:

Veahket min dovddiidit du ráhkisvuoda ja ráhkistit earáid.
Luoitte min iežamet nodiin ja vuovdnáivuodas,
vai oainnášeimmet olbmuid du čalmmiiguin
ja bálvalivččiimet sin du gudnin.

10.

Rohkos átestusas ja oktonasvuodas

Hearrá, mu mielas orru mángii,
ahte mu eallimis ii leat miige jirpmiid.
Mus váilu hállu ja návccat eallit.
Mun lean sállošišgoahtán iežan,
lean suohppáduvvan ja doaivvuhuvvan.

Luoitte mu eahpedoaivvu fángavuodas,
atte munnje roahkkatvuoda eallit.
Beaste mu maiddái iežan fuotnumis,
aman jurddašit,
ahte mun lean ollásit gealbboheapmi.

Hearrá, mu jurdagat jorret dušše iežan birra.
In gávna oktavuoda earáiguin.
Mun lean áibbas okto.

Beaste mu oaidnimis dušše iehčan ja earáin sierraneamis.
Raba čalmmiidan oaidnit, ahte mu lahka leat earátge,
geat dovdet ahte sii leat okto.
Kristus, don diedát mo orru go lea okto ja hilgojuvvon.
Ale fal hilggo mu.

Hearrá, mun lean mášoheapmi ja leabuheapmi.
Mun lean mannan áibbas cuovkkas.
Mu siskkimuša goddet čierokeahtes čirrosat ja báddasan vašši.
Mun balan boahttevuodas.

Veahket mu, vai mun mášuiduvašin,
beasašin ráfái iežainan,
oččošin ráfi mu lagaš olbmuiguin,
ja áinnas ráfi duinna, Ipmil.

Hearrá, mun lean rihkkon du vuostá.
Dás mun lean du ovddas sivalažžan,
guorusin ja eahpideaddjin.
In máhte iežan fámuiguin goargnut dán rokkis,
mun dušše sorrar iežan áššiiguin ain bahábut.

Ládis Ipmil, atte munnje ándagassii mu bahás jurdagiid ja daguid.
Suddat du ráhkisvuoda liekkusvuodain jieŋa mu siskkimuččas.
Ipmilan, vaikko mu jurdagat mannet máŋgga guvlui,
de oaččungo luohttit dasa, ahte don dohkkehat mu oktavuohatasat.
Mun hálidan báhcit du dikšui,
ja vuollánit dan bákčasii, mii gullá rávásmuvvamáii.

Herrá, don leat addán midjiide eallima.
Duhaga mii geavahit dán attáldaga boastut,
duhaga min eallin lea guorus
ja mii háhpohallat boasttoárvvuid.

Orustahte min, vai mii guorahalašeimmet,
mii eallimis lea dehálaš ja mávssolaš.

Mii rohkadallat guhtet guimmiideamet ovddas.
Rohkadallat odđa vejolašvuodaid daidda,
geain leat birgenváttisvuodat.
Rohkadallat fámu daidda,
geat leat váiban ja massán eallinmovtta.
Rohkadallat dearvvasvuoda daidda, geat leat buozus,
ja gierdavašvuoda daidda,
geat gártet vásihit áššiid,
maid merkkašumi sii eai ipmir.
Rohkadallat du ráhkisvuoda ja ráfi daidda,
geat oidnet dušše iežaset biinni ja váttis dili.

Herrá, min Ipmil,
veahket min callit roahkkadit ja dorvvastit dutnje.
Oahpis min nu, ahte mii loahpas beassat du lusa,
ja oažžut giitit du árpmu ja ráhkisvuoda ovddas.
Oro minguin agálaččat,
Áhčči, Bárdni ja Bassi Vuoignja.

11.

HEARRÁ, ÁRPMIT –ROHKOS

Rohkosis lea vejolaš válljet heivvolaš osiid.

E Rohkadallot ráfis Hearrá:

S Hearrá, árpmit.

O Átnot Hearrás
ráfi ja bestojumi –
rohkadallot Hearrá:

S Hearrá, árpmit.

O Átnot Hearrás
eallima ja šaddama
dán áidna, bassi, oktasaš ja apoastallaš girkui,
vai dat oktilis oskkustis
duodaštivččii illusága
buot álbmogiid gaskkas –
rohkadallot Hearrá:

S Hearrá, árpmit.

O Rohkadallot Hearrás
várjalusa daidda, geat ellet minguin,
buohkaide, geat leat oskkilduvvon min dikšui,
iežamet bearrašii,
buohkaide, geaiguin mii deaivvadit beaivválaččat –
rohkadallot Hearrá:

S Hearrá, árpmit.

O Átnot Hearrás
eallásis ja olmmošlaš servodaga,
rehálašvuoda ja vuoiggalašvuoda
almmolaš válldigeavaheapmái ja fitnodateallimii,
olbmuid gaskasaš luohttámuša ja earáid vuhtiiváldima –
rohkadallot Hearrá:

S Hearrá, árpmit.

- O** Átnot Hearrás
 gudnejahttima ja ráhkisvuoda vuoŋŋa,
 gierdavašvuoda ja doaivvu
 su bálvaleaddjiide, geat barget
 gillájeaddji ja buohcci olbmuiguin,
 ja sin divššárin, geat leat átestuvvan ja lahka jáme –
 rohkadallot Hearrá:
- S** Hearrá, árpmit.
- O** Átnot Hearrás
 ráhkisvuoda vuoŋŋa ja áittardanmiela
 min servodagas vealahuvvon olbmuide –
 rohkadallot Hearrá:
- S** Hearrá, árpmit.
- O** Átnot Hearrás,
 ahte sii geaid bargun lea dieda ja tehnikka,
 várjalivčče ja ovddidivčče bargguineaset callima –
 rohkadallot Hearrá:
- S** Hearrá, árpmit.
- O** Átnot Hearrás
 ahte sii, geat vástidit politihkas ja hálldahusas,
 ovddidivčče buot fámuideasetguin ráfi ja vuoiggalašvuoda,
 ahte Sámedikki bargu menestuvašii
 ja sámiid ja eará eamiálbmogiid
 buorredilli ovdánivččii –
 rohkadallot Hearrá:
- S** Hearrá, árpmit.
- O** Átnot Hearrás
 mánáide ja nuoraide,
 váhnemiidda ja bajásgeassiide
 ilu ja luohttámuša,
 ráhkisvuoda ja viisodaga –
 rohkadallot Hearrá:
- S** Hearrá, árpmit.

- O** Átnot Hearrás
ráhkisvuoda ja áittardanmiela váhnemiidda ja risváhnemiidda,
eakti ilu ja oadjebas šaddama
– – (namat illatiivvas),
gii/geat bassi gásttas lea/leaba/leat váldojuvvon
Jesusa Kristusa máhttájeaddjin
ja min searvegotti lahttun –
rohkadallot Hearrá:
- S** Hearrá, árpmit.
- O** Átnot Hearrás
ráhkisvuoda ja oskkáldasvuoda,
luohttámuša ja gierdavašvuoda
– – (bárragottiid namat illatiivvas)
geat áiguba/áigot náitalit –
rohkadallot Hearrá:
- S** Hearrá, árpmit.
- O** Átnot Hearrás
agálaš ráfi ja vuoŋŋadusa
– – (namat illatiivvas),
gii/geat lea/leaba/leat bovdehallan dán eallimis –
rohkadallot Hearrá:
- S** Hearrá, árpmit.
- O** Átnot Hearrás
muosi ja jeddehusa daidda
geaid nealgi ja soahti, duski ja buohcuvuohta birastahttet
ja geat leat doaivvuhuvvan –
rohkadallot Hearrá:
- S** Hearrá, árpmit.
- O** Átnot Hearrás,
ahte min doaivu bisttášii
rievdavaš ja jávkavaš máilmmis;
ahte dallege go bahávuohta lassána,
nagodivččiimet luohttit buorre vuoda vuitui –
rohkadallot Hearrá:

- S** Hearrá, árpmit.
- O** Mii rohkadallat du, árbmugas Ipmil,
 Jesusa, min Beasti namas.
 Son lea jápmimiinnis ja bajásčuožžilemiinis
 rahpan geainnu odda eallimii.
 Son eallá agálaččat duinna
 ja Bassi Vuoigŋain.

12.

TRISHAGION

- O** Bassi Ipmil, bassi Fámolaš, bassi Jápmemeahtun,
- S** Árpmit min.
- O** Mii rohkadallat dus sillomet bestojumi,
 du searvegotti viidáneami miehtá máilmmi,
 buot oskkolaččaid searvivuoda,
 du suodjalusa dán vissui ja buohkaide,
 geat deike bohtet,
 du mielamiel báimmaniid ja siellodikšuid,
 eallima, man du Vuoigŋa riegádahttá
 sániin ja sakrameanttaiguin.
- S** Gula min, árbmugas Hearrá Ipmil.
- O** Atte du ráfi min váibmui ja ruktui,
 nuorrageardái fámu vádjolit du geainnu mielde,
 ráfi máilmmi álbmogiidda,
 vuoiggalašvuoda ja vanhurskkisvuoda eatnan ala,
 du viissis oahpisteami dásseválldi presidentii,
 menestumi Sámedikki bargui,
 buressivdnádusa ja várjalusa min eatnamii ja dan álbmogii,
 atte buot eallima dárbbuid.
- S** Gula min, árbmugas Hearrá Ipmil.
- O** Doarjjo ja veahket buohcciid,
 gájo sin, geat leat headis ja áitojuvvon,
 nanne sin, geat gillájit oskkuset dihtii,

oro árpmolaččat doppe,
gos lea moraš ja gillámuš.
(muitte daid lagamuččaid,
geaid ovddas lea sihttojuvvon ovddasrohkos.)
Atte ávdugas jápmima ja ávvos deaivvadeami
min ráhkkásiiguin, geat leat eretvadjolan

S Gula min, árbmugas Hearrá Ipmil.

O Buot gonagasaid Gonagassii,
guhte ráhkista min,
ja guhte lea beastán min suttuin divrras varainis,
lehkos rámadus ja gudni,
ja čuovgadas ja váldi
álo ja agálaččat.

14.

Oktasaš ovddasrohkos bearašmeassus

Ráhkis Ipmeláhčči. Giittus, ahte du mánnán oažžut boahit du lusa. Don leat lohpidan gullat min.

Mii rohkadallat buot buohcciid ovddas ja sin ovddas, geain lea fuolla lagaš olbmo buohcuvuoda dihtii. Giittus, ahte don máhtát veahkehit sin.

Mii rohkadallat min ruovttuid ovddas. Veahket min ráhkistit guhtet guimmiideamet. Oahpat min maiddá addit ándagassii ja bivdit ándagassii. Rohkadallat min ustibiid ja fulkkiid ovddas. Buressivdnit sin. Jedde sin, geain ráhkis olmmoš lea jápmán. Giittus, ahte du luhtte lea almmi ruoktu.

Mii rohkadallat mánáid ovddas. Várjal sin ruovttus ja duhkorattadettiin, mátkkiin, skuvllas, beaverieggás ja beaveruovttus. Láide buot mánáid ja divtte du buriid engeliid várjalit sin.

Mii giitit du iežamet searvegottis. Giittus, ahte leat dáppe ožžon gullat Jesusis. Buressivdnit min bismagotti bismma – –, min searvegotti bargiid ja sin, gudet leat vuolgán dáppe guhkás doalvut sága Jesusis.

Ipmeláhčči, giittus dán buorre eatnamis, Sámis. Giittus dan čappa luondus, giittus ráfis ja buot buriin, maid don leat addán midjiide. Buressivdnit min riikka presideantta ja Sámedikki ja buot daid, gudet mearridit min oktasaš áššiin.

Mii rohkadallat daid máilmmi olbmuid beales, geaid áššit eai leat nu bures go mis. Váldde eret sodiid ja divtte buohkaid callit ráfis. Veahket daid, geain ii leat doarvái biebmui eaige biktasat ja daid, geain ii leat iežaset ruoktu. Veahket min muitit sin, geain leat váttisvuodat eallimis.

Ipmeláhčči, giittus go leat minguin juohke beaivve. Láide min buohkaid du lusa almmi ruktui.

15.

Oktasaš ovddasrohkos árranuoraid ipmilbálvalusas.

- O** Ráhkis almmálaš Áhčči,
giittus dain divrras attáldagain,
maid don leat midjiide addán:
ruovttus, áhčieatnamis, ustibiin ja borramušas.
Giittus, ahte don leat álo lahka,
dallege go mii leat okto.
Gula min rohkosa.
- S** Gula min rohkosa.
- O** Buressivdnit min ruovttu, váhnemiid ja ustibiid.
Atte midjiide fámu skuvlavázzimii
ja buressivdnit min oahpaheaddjiid.
Buressivdnit buohkaid,
geat čovdet dehálaš áššiid.
Divtte Sámedikki barggu ovdánit.
Suodjal buohkaid,
geat fuolahit min dorvvolašvuodas.
Gula min rohkosa.
- S** Gula min rohkosa.
- O** Várjal daid,
geaid áitet mánggat várat,
geain ii leat ruoktu dahje borramuš,
dahje geat duolbmašuvvet sodiin.
Atte midjiide veahkkás giedaid ja várvešis čalmmiid
vai mii fuomášit sin geat dárbbášit veahki.
Gula min rohkosa.
- S** Gula min rohkosa.

- Giittus Biibbalis, rohkadusas ja searvegottis.
Giittus das, ahte mis lea divrras opmodat almmis.

16.

Oktasaš ovddasrohkos nuoraid ipmilbálvalusas.

Rohkososiid gaskkas sáhtta lávlut heivvolaš gargabára dahje vearssa nuoraide oahpes lávlagis.

Ipmil, almmálaš Áhčči.

Mii rohkadallat du girkot beales,
vai dat livččii doaivvu ja ráhkisvuoda mearka
dán máilmmis.

Áhčči, atte midjiide roahkkatvuoda callit kristtalažžan dán máilmmis.

Máilbmi lea muhtumin seavdnjat,
ja dan seavdnjadassii lea álki lámppot.

Atte midjiide oskku gintalaččaid
ja fámu ráhkistit,
vai mii doaibmat dáppe du giehtan.

Áhčči, atte ustitvuoda vuoinŋa
nu riikkaid ja álbmogiid
go girkuidge gaskii.

Mii rohkadallat máilmmi buot oaivámuččaid ovddas.
Atte mearrideaddjiide viissisvuoda
ja vásttolašvuoda.

Buressivdnit Sámedikki barggu.
Vaikko soadit eai noga
iige buot vearrivuohta šatta vuoiggalašvuohtan,
du lahka, Áhčči, lea dattetge vel doaivu.

Áhčči, daga mis ustibiid guhtet guoibmáseamet.

Mii rohkadallat sin ovddas,
geat givssiduvvojit ja badjelgehččojuvvojit
sin liikeivnni dahjege geafivuoda dihtii,
ja sin ovddas,
geat gártet jagis jahkái sivahaga
čohkkát fánjaliin ja báhtareaddjiid leairrain.

Mii rohkadallat sin ovddas,
geat ássat guovdu soadi ja veahkaválddi.

Doarjjo min,
go mii soahtagoahtit olbmo gillámuša vuostá.

Ipmil, almmálaš Áhčči.
Buessivdnit olbmuid geat barget du doaimmain
nu lahkosiin go guhkin sierra guovlluin.
Roahkasmahte min čuovgat du ráhkisvuoda
ja ráhkistit eanemus dalle go dat lea buot váddáseamos.

OVDDASROHKOSFÁTTÁT

Ovddasrohkosa lea vejolaš ráhkadit searvegottis. Dan guovddaš fáttát leat girku ja searvegoddi, eiseváldi ja oktasaš áššit, olbmot geat ellet váttisvuodaid gaskkas, buohcci olbmot, gillájeaddji ja doarrádallon olbmot, ráfi ja earálágan áigeovuodilis fáttát. Ovddasrohkosa sáhttá boatkut rohkodajaldagain, rohkoslávlagiin dahje jaskes bottuin. Earálágan ovddasrohkosfáttát gávnojit suomagielat Ipmilbálvalusaid girjjis. Ovddasrohkosa gásttašuvvon, gulahuvvon ja jápmán searvegoteolbmuid ovddas lea vejolaš rohkadallat oktasaš ovddasrohkosa ovdal dahje dan oktavuodas.

OVDDASROHKOSA ÁLGGAHUS

A)

Bassi Ipmil, ráhkis almmálaš Áhčči. Don leat addán midjiide vuoigatvuoda boahtit du lusa Bártnát Jesusa Kristusa namas ja buktit dutnje min bivdagiid ja giitosiid. Gula min, go rohkadallat oktasaš áššiid ja buot lagamuččaideamet ovddas.

Á)

Ipmil, almmálaš Áhččámet. Mii leat du ovddas guoros giedaid ja rabas mielain. Don leat lohpidan gullat buohkaid, geat čurvot du veahkin. Mii luohttit dasa, ahte don gulat maddái min.

GÁSTTAŠUVVON OLB MOT

A)

(Almmálaš Áhčči.)

Mii giitit du odđa eallima ipmašis ja gástta attáldagas. Buressivdnit má-
ná/mánáguovtto/mánáid/ – – (namat), gii lea / geat leaba/leat gásttas
váldojuvvon Kristusa oapmin ja searvegotti oktavuhtii. Divtte searvegotti
leat sutnje/sudnuide/sidjiide Beasti askin ja vuoiñjalaš šaddanbáikin.
Veahket su/sudno/sin váhnemiid ja risváhnemiid ráhkistit su/sudno/sin ja
ráhkadit sutnje/sudnuide/sidjiide dorvvolaš ruovttu.

Á)

(Almmálaš Áhčči.)

Mii rohkadallat dan uhcahačča / daid uhcahaččaid ovddas, gii/geat lea/
leaba/leat bassi gásttas váldojuvvon searvegotti oktavuhtii. Don
leatčájehan árpmot ja váldán heajuid ja geahnohemiid du oapmin.
(Buressivdnit – – (namat).) Veahket váhnemiid ja risváhnemiid ráhkistit
su/sudno/sin, ja veahket min juohkeovtta bálvalit du buot unnimusaid
bokte.

B)

(Almmálaš Áhčči)

Mii giitit du das, ahte leat bassi gásttas laktán du searvegotti oktavuhtii /
ahte leat váldán gástta árbmolihttui dán nuora / dáid nuoraid / dán olles ol-
bmo / dáid olles olbmuid: – – (namat). Atte sutnje/sudnuide/sidjiide du bu-
ressivdnádusa ja veahket su/sudno/sin bissut iežat oapmin ja šaddat osk-
kus. Ruohtastuhte su/sudno/sin du sátnái ja searvegoddái ja divtte doaivvu
ássat su/sudno/sin váimmus.

GEAT ÁIGUBA/ÁIGOT NÁITALIT / GEAT LEABA/LEAT NÁITALAN

A)

(Ipmileamet ja Sivdnideaddjámet.)

Mii giitit du das, ahte don leat ásahan náittoslihtu attáldahkan dievddu ja nissona várás. Atte buressivdnádušat dáidda ustibiidda, geat áiguba/áigot náitalit [geat leaba/leat náitalan.] Veahket sudno/sin ráhkistit ja bálvalit nuppiideaskka oskkáldasat. Veahket sudno/sin ollašuhttit dan bovdejumi, man don leat addán. Roahkasmahte sudno/sin dorvvastit álo dutnje.

Á)

(Ipmileamet ja Sivdnideaddjámet.)

Mii giitit du das, ahte don leat addán náittoslihtu attáldahkan dievddu ja nissona várás. Buressivdnit – – (namat), geat áiguba/áigot náitalit / leat náitalan. Buvtte sudno/sin ruktui du ráhkisvuoda ja buressivdnit sudno/sin. Oahpis sudno/sin ráhkistit ja bálvalit oskkáldasat goabbat guoimmiska. Oahpat sudno/sin addit ándagassii ja rohkadallat dus veahki maiddáái váttis áiggiin.

B)

(Almmálaš Áhčči.)

Giittus ráhkisvuoda attáldagas. Giittus, ahte leat lohpidan buressivdnidit ruovttuid. Mii addit du dikšui daid, geat leaba/leat gulahuvvon náittoslihtui / leaba/leat náitalan: – – (namat). Ipmil, don guhte leat ráhkisvuohta, buressivdnit dán lihtu / dáid lihtuid. Atte du ilu ja ráfi beallalaččaid váibmui. Atte sudnuide/sidjiide ráhkisvuoda ja ovttamielalašvuoda.

JÁPMÁN OLBMOT

A)

(Ládis Ipmil.)

Don attát eallima ja gohčut min eret, go min beivviid mearri dievvá. Don leat lohpidan leat minguin maiddáái min eallima maŋimus bottus. Mii giitit du árpmus ja ráhkisvuodas, maid don leat čájehan sidjiide, geat leat eret vádjolan. Mii giitit buot buorrevuodas, maid addet midjiide sin bokte. Mii oskkildit sin du háldui: váldde sin du lusa. Leage oapmahaččaiguin morrašis ja jedde sin bajásčuožžileami ja agálaš eallima doaivvuin. Veahket min iežamet jápminbottus dorvvastit Kristusii.

A)

(Ládis Ipmil.)

Don attát eallima ja bijat min beivviide meari. Don leat bovden min luhtte eret – – (namat). Mii giitit du árpmus ja ráhkisvuodas, maid don leat čájehan sutnje /sudnuide /sidjiide. Mii oskkildit su/sudno/sin du háldui. Leage oapmahaččaiguin morrašis ja atte jeddehusat sin eallimii.

B)

(Ládis Ipmil.)

Mii rohkadallat sin ovddas, geat moraštit. Don, eallima ja jápmima Hearrá, leat bovden min luhtte eret – – (namat). Giittus, ahte oaččuimet eallit suinna/sudnuin/singuin. Mii oskkildit su/sudno/sin du háldui. Jedde bajasčuožžileami doaivvuin daid, geat dál moraštit sin ráhkkásiid.

C)

(Ládis Ipmil)

Bárdnát Jesus Kristus manai vuolás jábmiid riikii ja bajasčuožžilii goalmát beavve jábmiid luhtte. Giittus das, ahte du váldi ollá maiddái jápmima badjel. Mii addit min jápmán ráhkis olbmo/olbmuid du gihtii. Leage árbmugas sutnje/sudnuide/sidjiide. Atte agálaš čuovgasat báitit sutnje/sudnuide/sidjiide.

KOLLEAVTTA BURESSIVDNIDEAPMI

1.

Mii giitit du, almmálaš Áhčči,
buot buriid ovddas, maid don leat addán midjiide.
Buessivdnit dán oaffarattáldaga.
Divtte dan šaddat – – buorrin du dáhtu mielde.

2.

Hearrá, du oamis mii addit,
du attáldaga mii juohkit.
Váldde vuostái min ja min attáldagaid
Jesusa Kristusa dihte.

3.

Mii máidnut du, Ipmileamet,
buot buriid attáldagaid addi.
Mii buktit du ovdii dan,
maid mii leat du skeaŋkan ožžon.
Buessivdnit dán kolleavtta
ja divtte dan šaddat – – buorrin.

EAHKEDAŠROHKOS (EUKARISTALAŠ ROHKOS)

PREFAŠUVDNA

PREFAŠUVNNA ÁLGU

L Duo - daid lea riehta ja árvvolaš,
ahte mii giitit du álo ja juoh - ke sa - jis,
bas - si Hearrá, buotvea - ga - laš Ip - mil
Jesus Kristusa, min Hear - rá bok - te.

PREFAŠUVNNA LOAHPPA (DÁBÁLAŠ)

Son lea gillán jápmi - ma min ovd - das
ja bajásčuožžilemiinis rahpan midjiide
geainnu a - gá - laš eal - li - mii.

Mii giitit du dán almmalaš at - tál - da - gas
 ja lávlut dutnje rámadusa engeliiguin ja buot ba - sii - guin:

DAHJE

Su don leat addán jápmimii ja bok - tán su jáp - mi - mis
 vai mii bestojuvvošeimmet suttu ja jáp - mi - ma váld - dis
 ja ožžošeimmet a - gá - laš eal - li - ma.
 Mii giitit du dán almmalaš at - tál - da - gas
 ja lávlut dutnje rámadusa engeliiguin ja buot ba - sii - guin:

PREFAŠUVNNA LOAHPPA (DÁBÁLAŠ)

Son lea gillán jápmima min ovddas
 ja bajásčuožžilemiinis rahpan midjiide geainnu agálaš eallimii.
 Mii giitit du dán almmálaš attáldagas
 ja lávlut dutnje rámadusa engeliiguin ja buot basiiguin:

DAHJE

Don leat addán su jápmimii ja boktán su jápmimis,
 vai mii bestojuvvošeimmet suttu ja jápmima válddis
 ja oččošeimmet agálaš eallima.

Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA ADVEANTAÁIGGE

Don leat vuolggahan su álbmogat gaskii,
sus leat ollašuvvan profehtaid einnostusat.
Son almmostuvvá oktii gudnistis dubmet calliid ja jábmiid.
Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA JUOVLLAID

Su riegáдемиin don čuvgejit máilmmi,
gáidadiid jápmima suoivana
ja addet midjiide attáldahkan agálaš eallima doavvu.
Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA JUOVLAÁIGGE SIHKE GINTTALBEAIVVE JA MÁRJJÁ ALMMUSTUSBEAIVVE

Don leat diktán du áidna Bártne boahit máilbmái ja riegádim olmmožin,
vai mii šattašeimmet du mánnán
ja beasašeimmet seavdnjatvuodas čuovgasii.
Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA LOAHPPÁŽIID

Su šearratvuohka báitá min gaskkas
ja čájeha midjiide geainnu seavdnjatvuodas čuovgasii.
Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA LOAHPPÁŠÁIGGE JA SOTNABEIVVIID OVDAL FÁSTOÁIGGI

Son elii min gaskkas bellježin du dáhttui,
ja su daguin oidnui du šearratvuohka.

Mii giitit du dán almmálaš attáldagas
ja lávlut dutnje rámmádusa engeliiguin ja buot basiiguin:

PREFAŠUVNNA LOAHPPA FÁSTOÁIGGE

Don it leat guoddán min suttu ja jápmima váldái,
muhto leat diktán du Bártni jápmit min ovddas,
vai mii jámihivččiimet suttu ja ealášeimmet du várás.
Mii giitit du dán almmálaš attáldagas
ja lávlut dutnje rámmádusa engeliiguin ja buot basiiguin:

PREFAŠUVNNA LOAHPPA GILLÁMUŠÁIGGE

5. fástoáiggi sotnabeaivvi rájes
Son elii gulolažžan gitta jápmima rádjái.
Son gierddai loahpa rádjái givssádusaid ja gillámušaid
vai son beasttášii min bahá válddis.
Mii giitit du dán almmálaš attáldagas
ja lávlut dutnje rámmádusa engeliiguin ja buot basiiguin:

PREFAŠUVNNA LOAHPPA BEASSÁŠIJA JA BEASSÁŠBEAIVVE

Son lea min beassášláppis,
guhte lea oaffarušson min ovddas.
Jápmimiin son vuittii jápmima
ja rabai bajásčuožžilemiinis midjiide geainnu agálaš callimii.
Dan dihtii oppa eanan ávvuda dán ija / dán beaivve
ja lea devdon beassášilus ja ávus.
Mii giitit du dán almmálaš attáldagas
ja lávlut dutnje rámmádusa engeliiguin ja buot basiiguin:

PREFAŠUVNNA LOAHPPA BEASSÁŠÁIGGE

Jápmimiin son lea vuotán jápmima
ja rahpan su ávvos bajásčuožžilemiin midjiide geainnu agálaš callimii.
Son bijai min váibmui odđa sálmma,
giittuslávлага min Ipmilii.
Mii giitit du dán almmálaš attáldagas

ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA HELLODUORASTAGAS
HELLODATRUOHTA RÁDJÁI

Don leat alidan su olgeš giedat beallái,
badjeleabbon buot válldiid, fámuid ja hearrávuodaid.
Son rohkadallá heaittekeahtá min ovddas
ja addá midjiide vuoigatvuoda gohčcut du min Áhččin.
Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA HELLODAGAI

Don leat alidan su olgeš giedat beallái,
badjeleabbon buot válldiid, fámuid ja hearrávuodaid.
Su lohpadusa mielde don leat golggahan Bassi Vuoijņa,
vai buot álbmogat ja gielat gulahivčče du stuorra daguid.
Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin:

PREFAŠUVNNA LOAHPPA APOSTALIID BEAIVVE JA BASSI
HEANDARAGA MUITOBEAIVVE

Sus lea bestojumi sáhka boahtán máilbmái.
Su birra leat muitalan du oskkáldas duodašteaddjit
ja buktán evangeliuma maiddá min eatnamii.
Mii giitit du dán almmálaš attáldagas
ja lávlut dutnje rámadusa engeliiguin ja buot basiiguin.

PREFAŠUVNNA LOAHPPA MIHKALMASBEAIVVE

Don addet Bártnát vai son beasttášii min bahá válldis
ja vuolggahat bassi engeliiddat oahpistit ja várjalit min.
Mii giitit du dán almmálaš attáldagas ja lávlut dutnje rámadusa engeliiguin
ja buot basiiguin:

PREFAŠUVNNA LOAHPPA GOHCIMA SOTNABEAIVVE JA DUOPMOSOTNABEAIVVE

Sus don leat addán midjiide bajásčuožžileami doaivvu,
vai mii sáhtášeimmet dorvvolaš mielain vuordit du agálaš riikka.
Mii giitit du dán almmálaš attáldagas
ja lávlut dutnje rámmádusa engeliiguin ja buot basiiguin:

EAHKEDAČČAID GIITTUSROHKOS

DÁBÁLAŠ ROHKOSAT

1.

Herrá, buotveagalaš Ipmil,
don dahket min oasálašžan bassi eahkedaččas.
Mii giitit du dán attáldagas ja rohkadallat:
Daga min ovttas buot du basiiguin
oasálašžan maiddá almmi ávvumállásiin.
Dán rohkadallat Jesusa Kristusa,
min Herrá bokte,
guhte eallá ja rádde duinna ja Bassi Vuoiŋŋain
álo ja agálaččat.

2.

Almmálaš Áhčči, mii giitit du eahkedaččaid attáldagas,
maiguin don nanusmahtát min oskku dutnje.
Ovttastahte min ráhkisvuodain guhtet guimmiidasamet
ja bisut mis agálaš eallima doaivvu.
Gula min rohkosa
du Bártni Jesusa Kristusa dihtii.

3.

Buotveagalaš Ipmil, mii giitit du das,
ahte don leat buressivdnidan min
du dearvvasmahtti attáldagainat.

Nanne min oskku ja ráhkisvuoda dutnje
ja du Bárdnái Jesusii Kristusii,
guhte eallá ja rádde duinna ja Bassi Vuoiŋnain
álo ja agálaččat.

ADVEANTAÁIGI

Hearrá, buotveagalaš Ipmil,
don dahket min oasálašžan odda lihtu mállásiin.
Mii giitit du dán attáldagas ja rohkadallat:
Nanne min oskku, doaivvu ja ráhkisvuoda,
go mii vuordit min Gonagasa ja Beasti almmustuvvama.
Dán rohkadallat du Bártni Jesusa Kristusa dihtii.

JUOVLAÁIGI

Almmálaš Áhččámet.
Giittus eahkedaččaid attáldagas.
Divtte Kristusa ássat min váimmus,
vai mii speadjalastit su čuovgga
sevdnjes máilbmái.
Dán mii átnut olmmožin šaddan Bártnát
Jesusa Kristusa bokte,
guhte eallá ja rádde duinna
ja Bassi Vuoiŋnain
dál ja agálaččat.

FÁSTOÁIGI

Gutnagaskavahkus ovddos.

1.

Hearrá, min Ipmil,
don dahket min oasálašžan eallima láibbis,
du Bártnis Jesusis Kristusis.
Mii giitit du dán árpmus ja rohkadallat:
Divtte min buot bestojuvvon olbmuiguin
bálvalit ja giitalit Ipmila Lábbá,
guhte lea dan árvosaš, ahte oažžu šearratvuoda, gudni ja rávádusa.

2.

Mii giitit du, Kristus, eahkedaččaid attáldagas.

Don leat vástádus min rohkosiidda,
láibi midjiide, geat leat nealggis.

Veahket min,

vai mii livččiimet du vástádus sidjiide,
geain váilu dat, mii mis lea baicca valjis.

Veahket min,

vai mii gulašeimmet čuorvasa, man don gullet,
áddešeimmet headi, man don áddejit,
bálvalivččiimet olmmošsoga, man don bálvalit.
Rámádus dutnje agálaččat.

BIIDNEÁIGI

Vidát fástoáiggi sotnabeaivvi rájes.

Ráhkis almmálaš Áhčči,

don oaffaruššet du Bártni min ovddas.

Mii giitit du eahkedaččaid attáldagas,
mas mii oažžut suttuid ándagassii addojumi,
eallima ja ávdugasvuoda.

Bisut min Kristusa oapmin
eallimis ja jápmimis.

Dán rohkadallat

su gillámuša, jápmima

ja bajásčuožžileami dihtii.

BEASSÁŽAT

1.

Hearrá, min Ipmil.

Mii máidnut du

ovttas buot kristtalaččaiguin das,

ahte Bárdnát lea lihkkán jápmimis.

Giittus beassášávuš,

giittus das, ahte don attát midjiide

bassi eahkedaččain oasálašvuoda agálaš eallimii.
Du lea váldi ja gudni agálaččat.

2.

Ipmil, Áhččámet,
don leat buot sivdnideaddji ja doalaheaddji.
Giittus, ahte don sivdnidit maiddái dán beaivvi, ávvubeaivvi,
ja čuvgejit min seavdnjatvuoda,
buktet doaivvu min guorusvuhtii.
Jesus Kristus, bajásčuožžilan Beasti,
giittus, ahte mii oaččuimet váldit du vuostá
láibbis ja viinnis.
Giittus, ahte don johtet min ovddabeale
ja jorgalit jápmima ija eallima ididin.
Ipmil, Bassi Vuoignja,
čuvge midjiide bajásčuožžileami sága.
Divtte du sáni eallit mis
ja vuolggat min gulahit máilbmái doaivvu,
mii vuoitá dán eallima váivvi ja jápmima balu.
Rámádus ja gudni lehkos dutnje,
bassi golbmaoktalaš Ipmil,
Áhčči ja Bárdni ja Bassi Vuoignja,
dál ja agálaččat.

BEASSÁŠÁIGI

Mii máidnut du, buotveagalaš Ipmil,
go don leat addán midjiide Kristusis attáldahkan
odda eallima ja beassášávu.
Divtte bajásčuožžileami fámu váikkohit mis,
geat leat gásttašuvvon su nammii.
Guotte min ráhkisvuodainat gitta dan beaivvi rádjái,
goas don bovdet min agálaš illui.
Gula min rohkosa
du Bártni Jesusa Kristusa bokte.

HELLODAGAT

Bassi Ipmil, eallima addi.

Giittus das, go leat addán eahkedaččain

Kristusa rupmaša ja vara

agálaš eallima ájan.

Roahkasmahte min Bassi Vuoigŋa fámuin

ja veahket doalvut sága

bajásčuožžilan Kristusis oppa máilbmái.

Máidnun lehkos dutnje,

Áhčči ja Bárdni ja Bassi Vuoigŋa,

dál ja álo.